



Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Caput III. De necessitate, numero, & instiutione Sacramentorum in lege gratiæ.

urn:nbn:de:hbz:466:1-40834

De Sacramentis. Cap. II. **II**

patet ex Divo Augustino, cùm ait: *Sacra- D. Aug. lib.
menta veteris legis ablata sunt, quia imple- 19. contra
ta; & alia instituta sunt virtute majora, uti- Faustum cap.
litate meliora, actu faciliora, & numero 13.
pauciora.*

C A P U T III.

*De necessitate, numero, & institutione
Sacramentorum in lege gratiae.*

Quaest. I. **F**U I R-ne necessarium quod Deus institueret Sacra-
menta in lege nova, quæ est lex gratiæ, diversa à Sacra-
mentis veteris legis, quæ est lex Moïsis?

Resp. Non erat absolutè loquendo necesse, ut Deus institueret Sacra-
menta; quoniam sa-
lutem nostram operari poterat aliis mediis tum
in legè naturæ & Mosaïcæ, tum in lege gra-
tiæ: conveniens tamen maximè fuit, ut insti-
tueret Sacra-
menta in lege nova quæ differenter
à Sacra-
mentis legis antiquæ: cuius quidem
rationem assignat Divus Thomas his verbis:

*Sicut antiqui patres salvati sunt per fidem D. Th. 30. p.
Christi venturi, ita & nos salvamur per q. 61. art. 4.
fidem Christi jam nati & passi: sunt autem in corpore.*

*Sacra-
menta quadam signa protestantia fidem
qua homo justificatur. Oportet autem aliis
signis significari futura, praterita, & pra-
sentia. Ut enim Augustinus dicit lib. 19. con-
tra Faustum cap. 14. eadem res aliter annun-
ciatur facienda, aliter facta; sicut ipsa ver-
ba, passurus & passus, non similiter sonant.
Et ideo oportet quadam alia Sacra-
menta esse
in nova lege, quibus significantur ea quæ pra-
cesserunt in Christo, prater Sacra-
menta veteris legis quibus pranunciabantur futura.*

A vij

12 TRACTATUS I.

Quæst. 2. Quot sunt Sacra menta novæ legis?

Resp. Septem sunt Sacra menta novæ legis: Baptismus, Confirmatio, Eucharistia, Pœnitentia, Extrema-uncio, Ordo, & Matrimonium.

Quæst. 3. Quis-nam instituit Sacra menta?

Resp. Christus Dominus, ut definivit Concilium Tridentinum sess. 7. c. 1. Si quis dixerit, Sacra menta novæ legis non fuisse omnia à Iesu-Christo Domino nostro instituta, anathema sit.

Quæst. 4. Potest-ne probari ex Scriptura sacra institutio omnium Sacra mentorum?

Resp. Id non est necessarium, sed sufficit nos hujus veritatis certos esse per Dei verbum, quod ad nos duabus viis pervenit, scripturâ scilicet Canonica, & traditione: accipe tamen, quod circa hanc rem in scriptura continetur.

Christus Dominus ad animarum sanctificationem aquas tunc incepit destinare cùm baptisi voluit in Jordane: Baptismi necessitatēm
Joan. 3. v. 5. deinde declaravit, cùm dixit Nicodemō; Nisi quis renatus fuerit ex aqua & Spiritu sancto, non potest introire in regnum Dei: Et Baptismi suscipiendi præceptum imposuit, quando priusquam in cælum ascenderet, Apostolis dixit: Euntes docete omnes gentes, baptizantes eos, in nomine Patris, & Filii, & Spiritus-sancti: Et Marci 16. v. 16. Qui crediderit & baptizatus fuerit, salvus erit.

Matth. 28.
v. 19.

Confirmatio designata fuit cùm Christus parvulis manus imposuit, qui sibi oblati sunt, ut habetur Matth. 19. v. 13. Oblati sunt ei parvuli ut manus eis imponeret, & cùm imposuisset eis manus. Verum dubitari minime potest, quin secundūm Christi mandatum,

De Sacramentis. Cap. III. 13

eam Apostoli administraverint , ut videre licet variis in locis Apostolorum Actuum. v. g. quando multi Samaritani baptisati fuerunt à sancto Philippo , uno ex septem Diaconis , Apostoli miserunt ab Hierusalem Petrum & Joannem , qui erant Apostoli , cuius Episcopi sunt successores , qui , ut dicitur Act. 8. v. 17. Imponebant manus super illos , & accipiebant Spiritum-sanctum. Idem dicitur de sancto Paulo Apostolo. Act. 19. v. 6. Et cum impo- suisset illis manus Paulus , venit Spiritus sanctus super eos.

Institutio Sacramenti Eucharistiae clarè of-
tenditur , cùm dicitur : Cœnantibus autem eis Matth. 26.
acceptit Iesus panem & benedixit ac fregit,
v. 26.
deditque Discipulis suis & ait : Accipite &
comedite , hoc est Corpus meum. Et Marci
14. v. 22. Accepit Iesus panem & benedicens
fregit & dedit eis , & ait : Sumite , hoc est
Corpus meum. Lucæ 22. v. 19. Et accepto
pane gratias egit & fregit , & dedit eis di-
cens : Hoc est Corpus meum quod pro vobis
datur : Hoc facite in meam commemoratio-
nem.

Et tunc quidem Christus præstítit , & per-
fecit quod promiserat Joannis 6. v. 54. ubi
dicit , Nisi manducaveritis carnem Filii ho-
minis & biberitis ejus Sanguinem , non habe-
bitis vitam in vobis. Et versu 56. Caro enim
mea , verè est cibus , & Sanguis meus , verè
est potus.

Sacramentum Pœnitentiæ institutum fuit
Joannis 20. v. 23. quando Christus dixit Apos-
tolis suis : Quorum remiseritis peccata , re-
mittuntur eis , & quorum retinueritis , reten-
ta sunt. Et Christus Dominus hanc eis po-
testatem daturum se promisit , quando dixit
Petro , Matth. 16. v. 19. Tibi dabo Claves

14 TRACTATUS I.

Regni Calorum; & quodcumque ligaveris super terram erit ligatum & in calis, & quodcumque solveris super terram, erit solutum & in cœlis. Quod cap. 18. v. 18. dixit omnibus Apostolis: *Quicumque alligaveritis super terram, erunt ligata & in calo; & quicumque solveritis super terram, eruunt soluta & in calo.*

Quod dicitur Marci 6. v. 13. Et ungebant oleo multos agros & sanabant, ad extremæ Unctionis Sacramentum referri potest. Verum clarè significatur Jacobi 5. v. 14. *Infirmatur quis in vobis? Inducat Presbyteros Ecclesia, & orent super eum, ungentes eum oleo in nomine Domini; & oratio fidei salvabit infirmum, & alleviabit eum Dominus: & si in peccatis sit, remittentur ei.*

Sacramentum Ordinis institutū fuit in Cœna Domini, quantum ad potestatem consecrandi Eucharistiam, & post resurrectionem quantum ad potestatem remittendi peccata. Joannis 20. Insufflavit & dixit eis, *Accipite Spiritum sanctum; quorum remiseritis peccata remittuntur eis; & quorum retinueritis, retenta sunt.* Sanctus etiam Paulus ostendit ordinem esse Sacramentum, quod confert gratiam, cùm dicit ad Timotheum, *Noli negligere gratiam que in te est, qua data est tibi per Prophetiam, cùm impositione manuum Presbyterii.*

I. Timoth. cap. 4. v. 14. Matrimonium primitūs institutum fuit in Paradiſo terrestri, sed videtur elevatum ad Sacramenti dignitatem per benedictionem, quam dedit ei Christus Dominus cùm interfuit nupciis Canæ Galileæ, vel dum statuit indissolubilitatem matrimonii dicens, Matth. 19. v. 6. *Quod ergo Deus coniunxit, homo non separat.* Et ad Ephesios 5. v. 31. ait Apostol-

De Sacramentis. Cap. IV.

Ius: Sacramentum hoc magnum est, ego autem dico in Christo & in Ecclesia.

C A P U T I V .

De partibus necessariis ad constituendum Sacramentum.

Quæst. 1. **Q**UÆNAM sunt partes necessariæ ad constituendum Sacramentum?

Resp. Omnia Sacra-
menta, ut ait Concilium Flo-
rentinum, tribus perficiuntur, vide-
licet rebus tanquam materiâ, verbis, tan-
quam formâ, & persona Ministri conferentis
Sacramentum, cum intentione faciendi, quod
facit Ecclesia; quorum si aliquid desit, non
perficitur Sacramentum. Idem statuit & de-
crevit Concilium Tridentinum. sess. 7.

Conc. Flo-
rent. sub Eu-
genio IV. in
Armenorum
Decrete.

Quæst. 2. In quo consistit materia & for-
ma Sacramentorum?

Resp. Quemadmodum in compositis natu-
ralibus, vocamus materiam id quod determi-
nari debet ad tale esse per aliud, formam vero
vocamus quod ipsam materiam ad aliquid de-
terminat, ac perficit; ita in Sacramentis res
sensibiles quæ ex se indifferentes sunt ad signi-
ficandum plura, dicuntur materia, & verba
illa determinantia ad tale significandum, di-
cuntur forma: Ex verbis & rebus, inquit D. Th. 3. p.
sanctus Thomas, fit quodammodo unum in q. 60. art. 6.
Sacramentis, sicut ex forma & materia, in
quantum scilicet per verba perficitur signifi-
catione rerum. Et ibidem in corpore articuli sic
habet: Aqua enim significare potest & ablu-
tionem propter suam humiditatem, & refri-
gerationem propter suam frigiditatem; sed culi,

Ibidem in
corp. arti-
culi,